

## Universitätsbibliothek Paderborn

### **Venerabilis Patris Thomæ à Jesu ... Opera Omnia**

Homini Religioso Et Apostolico Tam Qvo Ad Vitæ Activæ, Qvam  
Contemplativæ functiones utilissima, Duobus Tomis Comprehensa. In  
Qvibvs Singvlari Pietate, Varia Ervditione Clariori Et Breviori Stylo  
Continentvr Et Explicantvr ...

**Tomás <de Jesus>**

**Coloniæ Agrippinæ, 1684**

Capvt VI. De Comparatione Monachi, quantum ad incapacitatem cum  
servo, ac Filio famil.

**urn:nbn:de:hbz:466:1-38601**

## C A P V T VI.

De Comparatione Monachi, quantum ad incapacitatem cum ser-  
vo, ac Filio-famil.

cibo, & vestito, & domo reliquaque ad vitam necessariis utitur, sed tanquam alienis, quorum usum dantaxat habent, non tamen sunt domini illorum. Eam enim vim habet paupertatis votum, quo Religiosi astringuntur, ut non magis quam jumenta, de quibus diximus, habiles sint ad rerum dominium, ut nos etiam sapra, dum de uso ageremus attigimus. Imo, ut uno verbo dicam, quantum ad incapacitatem bonorum exteriorum, manent tanquam mortui destituti omni Dominio ac iure quolibet civili. Ob quam rationem in iure Religiosus mortuo comparatur, ut pater ex Cap. placuit 2. 16. q. 1.

Et ratione probatur, quia voto paupertatis Religiosi astringuntur servare virtutem Evangelii paupertatis, haec autem consistit in totali abdicatione omnium rerum, ut Christus Dominus docuit Luc. 14. Qui non renuntias omnibus, qua possidet, non potest meus esse discipulus. Et illud Matth. 19. Si vis perfectus esse, vade & vnde omnia qua habes &c. Et cum illa incapacitas, sive abrenuntatio voluntaria, quam virtus evangelica praefecit, sit, que in hoc voto firmatur, manifeste sequitur debere esse totalem, ac omnimodam renuntiationem.

Quare patet, quia omnes Religiosi sunt aequaliter quoad votum paupertatis in particulari, ut docuit Sylvest. verb. Religio. 6. in 4. in fin. Narr. de redditib. q. 1. monit. 10. Alvarus Pelagi de plantitu Eccles. ubi supra. Et novissime Salomon de Justitia, & iure q. 2. de dominio, & expresse id docuit Joannes XXII. in Extrapag. Ad conditem. de verb. signif. Et ratio ipsa demonstrat, quia aequaliter omnes proficiunt paupertatem, sicut & castitatem, & aequaliter abdicant a se omnia dominii, ac possessionis iura. Et multi Pontifices agentes de paupertate in particulari fratrum Minorum, declararunt ipsos esse incapaces cu-  
juscunque dominii iuris civilis, tantumque habere in rebus sibi concessis, merum, simpli-  
cementem iuris facti (quem sup. ex mente Navarri possessionem aliarum appellavimus) ut expre-  
sse decreverunt Nicolaus III. in declarationibus Regul. D. Franc. art. 2. ubi ait, frates Minorum tantum  
habere sibi plementum iuris, qui ius non iuri, sed facili tantummodo nomen habet, quod, quia factius tantummodo praeberet utilitatem, nihil tamen iuris. Hac & alia Nicol. Idem etiam docuere, Clemens V. Gregorius IX. & alii plures Pontifices teste Corduba in Reg. Minorum ubi supra pando. 3. Ergo fatendum est ratione voti paupertatis, quae aequalis est in omnibus ceteris Religiosis nudasse se omnibus rebus, actionibus, possessionibus, iuribusque civilibus, retento tamen eo iusto, nempe facti, sine quo vita humana tranfigi non posset.

Illiud tamen notare oportet, quod licet votum paupertatis auferat cujuscunque dominii aut juris capacitatem, non tamen tollit facultatem administrandi per se temporalia bona, modo id fiat ex consensu superioris, ut optimè resolvit Navarrus, de reddit. qu. 1. monit. 8. & Com-  
ment. 2. regul. n. 2. eslegue id verum experientia testatur in Abbatibus aliisque Religiosis beneficiatis, qui sine ullo proprietatis viro bona monasterii administrant.

Thom: à Iesu Oper. Tom. L.

**U**T exactius haec incapacitas, que tam ab obedientia, quam à paupertate provenit, percipiatur, explicanda est ex comparatione Monachi cum servo, ac filio-famil. Vulgare est in iure, ac tritum axioma, monachum tam filio-familias quam servo equiparati, ut exprefse habetur Cap. exiit. §. porro, & §. ad hanc, de verb. signif. in 6. idque sepius reperunt utriusque iuris interpres, tam in Cap. in praesentia, de probationibus & in Cap. olim de privilegiis, quam in Authent. In-  
gressi, C. de sacrosanct. Eccles. & aliis pluribus locis. Et quamvis tam filio, quam servo monachum centenar comparandum, differunt tamen autores, cui horum magis monachi debeat assimilari. Aliis enim durum videtur monachalem statum servituti, ac famulari servorum fore comparandum, ac proinde filio-famil. potius comparare nitorunt. Et haec esse magis communem opinionem ex mente Jasonis, & aliorum docuit speculum testamentorum. Gloss. 12. n. 19. Aliis vero haec monachi subjecti-  
onem potius servituti, quam filiations equiparandam videtur. Docuitid Innocent. in Cap. cum olim 2. de privilegi. Barth. in lib. 1. disib. servorum & l. 1. c. de bonis qua liberis, hanc esse communem opinionem fatetur Covart. c. 1. n. 21. de testam. & Alciatus in lib. 1. n. 53. de vulgar. Et tam hujus, quam prioris sententiae plures alios autores refert Menchaca l. 3. de successionum creatione. §. 21. num. 250.

Pro conciliatione vero hatum opinionum distinguendam existimo. Aut enim sermo est de comparatione monachi cum filio, vel servo in quantum ad acquisitionem bonorum, vel quantum ad subjectionem, sive obsequium quod praestant ei, cuius obedientia & potestate sub-  
sistunt. Si prius modo loquamus, monachus indi-  
fferenter tam filio, quam servo in acquisitione bonorum comparatur, prout monasterio fuerit utilius, ut optimè resolvit Molina Tom. 1. de Ju-  
stis. tract. 2. dis. 140. & novissime Carolus Ta-  
pia in authent. Ingressi. Verbo sua. Cap. 1. num. 1. Quam sententiam faciunt esse omnium. Scriben-  
tium tam in dictam Authent. quam in Cap. in pra-  
sentia, de probatione. Quod est dicere omnibusca-  
sibus, in quibus servus, vel filius acquirit tam Domino quam Patri, monachum etiam mona-  
sterio acquirere, necnon quotiescunque patri aut Domino aliquod jus ratione servi, vel filii, qui in eorum sunt potestate competit, simile quoque jus monasterio ratione monachi com-  
petere debere, non vero monachus omnino ser-  
vo, aut filio aequiparatur; quia in aliquibus cas-  
ibus servus ac filius proprium aliquid retinere possunt, & ideo in his non comparantur, quia hoc non est utile Monasterio; Imò si Monachum ex una parte, ac filium aut servum ex alia sumamus, etiam loquendo in illis casibus, in qui-  
bus servus ac filius patri, aut Domino acquirunt, adhuc fortius est jus acquirendi, quod monas-  
terio competit ratione monachorum: cum, quia a  
jus hoc acquirendi quod per monachum mona-

Ecc

sterio

sterio contingit, consequitur ad strictius vinculum, nempe ad votum obedientie, quod arctius, & tenacius vinculum est, quam ius servitutis, vel patriae potestatis, ut pote omnino, & in perpetuum indissolubile. Tum etiam, quia haec incapacitas consequitur ad potissimum radicem dominii, nempe ad renuntiationem omnimodam proprie libertatis, quod non contingit in servo, neque in filio, qui adhuc in rigore propriam retinent voluntatem. Tum denique quia per votum paupertatis firmatur expresse haec incapacitas, & omnino fit monachus inhabilis, & incapax cuiuscunq; dominii; ac proinde pluribus, itaque fortissimis titulis monachus redditur incapacior, quam servus, vel filius: Quare arctiori jure ac vinculo astringitur, nihil proprium habere, sed omnia, que illi obvenient statim monasterio acquiruntur. In quo sensu verum est, quod aliqui dicunt, quantum ad acquisitionem monachum esse plusquam servum. Quia ratione intelligendum est Cap. multos § 4. distinctione, dum docet strictior esse servitudinem monasterii, servitudinem humanam. Quod ratione praedicta acquisitionis non est dubitandum, & docet expresse id Navar. Comment. 2. de Regul. n. 42. & de redd. q. 1. monit. 12. & in Apolog. monit. 14. idque colligitur ex Cap. exiit §. porro, & §. ad hanc, de verb. sig. in 6. que arctiorem incapacitatem in monachis quam in servis agnoscunt. Similiter etiam quantum attinet ad acquisitionem, monachus censendas est plusquam filius, cum monachatus vinculum sit arctius patriae potestate, in qua praedicta acquisitionis fundatur. Nam ingressu Religionis patria potestas rumpitur, ut affi manet Navar. Comment. 3. de regul. n. 47. Ant. Gom. lib. 1. variat. Cap. 1. n. 4. qui pro sua sententia adducit Abbatem, Accur. Bart. & alios.

Ex hac igitur stricta acquirendi ratione ortum habuit illa generalis juris regula: *Quidquid monachus acquirit, monasterio acquirit.* Ut colligitur ex Cap. Abbates 18. quest. 2. & Auth. ingressi. C. de sacrofantiis Ecclesiarum, & ex §. illud, aulhen. de monachis. Et Scriptores omnes in dicto Cap. in praesentia, & dicto Cap. olim, & dicta Authent. ingressi, cujas ea est ratio, quia cum monachi sunt sub potestate monasterii, nihil sibi possunt acquirere, sed prius illi, sub cuius imperio sunt constituti, ut sup. Cap. praeced. latius tradidimus.

**Quomodo**  
fit iustificandum,  
bona se  
quuntur  
personam.

Secundo, quia cum bona sequuntur personam, si persona est sub potestate monasterii, bona etiam ad illud pertinere debet. Praedicta vero regula non estira intelligenda; quasi monachus aliquid sibi acquirat, & postea illud transferat in monasterium, cum si omnino incapax sibi quidquam acquirendi, sed intelligenda potius est ratione monachatus, veluti medianie quodam instrumento ea quae alias ad monachum, si esset homo liber, pertinerent, monasterio acquiri, ut notant Legistae in dicta Auth. ingressi, in illis verbis ipso ingressu, quibus denotatur quod ipso facto, quo aliquid ad monachum pervenerit, illud monasterio acquiri. Undemonacho ignorant, & invito potest monasterium adire hereditatem, ut habetur Cap. Religionis de electione in 6. quia Religiosus velle ac nolle non haber. Et haec nunc de hac acquisitione dicta sufficient; nam de illa latius infra disceremus.

Si vero fiat comparatio inter monachum &

servum, non quantum ad acquisitionem, sed quantum ad rationem servitutis, tunc vere est descendere erit, Monachum ponit cum filio, quam cum servo fore comparandum. Quod in rectius intelligatur, comparanda erit potestas, quam Praelati in suis monachos exercent, cum ea, quae dominis vel patribus ratione dominis, vel patriae potestatis competere potest.

Sciendum igitur est e Gelasio Pontifice (& referitur Cap. nullam 18. q. 2.) omnem Religionis monasterii potestatem, tam in temporalibus, quam in spiritualibus ad Praelatum pertinere. Cum enim Religio sit quadam perfectionis schola, & via optima ad comparandam perficie. Actionem medio Praelatorum ducit, ac magistris. (ut sapius repetit D. Thom. 2. 2. quaff. 18. 6. potestis religiosis tractans) necessarium fuit, ut apud Praelatos Religionum spiritualis, & interiori iuris. & dictio resideret, qua possent monachorum patres dispensare, verbum DEI exponere, confessiones audire, Sacraenta ministrare, ac denique reliqua media ad tantam perfectionem spectantia, ut veros ex officio pastores applicare decet. Quibus etiam judicari potestas adjungitur, ut docet D. Thom. quodlib. 1. art. 16. Religiosi, inquit, Praelatus in Capitulo praeſt. sicut vero iudex Ecclesiasticus, aut secularis in judiciali foro. Et propter hoc Gleſſ. in Clem. Dudum, de rebus Eccles. non alienanis regularium Praelatorum juridicis. Actionem quasi Episcopalem appellat. Hoc enim omnia Religio simul cum approbatione, ac confirmatione Regule à Sede Apostolica accepta.

Hac igitur Superiorum iurisdictione, & potestate praetensis, de qua hic non agimus, de qua alia actioni potestate, que non immediate à summo Pontifice emanavit, quamvis summi Pontificis auctoritate, & confirmatione corroborata sit: sed ab ipso Religioso, qui omnino sponte, & liberè in Superioris manibus suo iuri renuntiat, cum se illi per professionem, & praecipue paupertatis & obedientiae voto perferre submittit & tradit; de hac inquam potestate, que ex praedicta oblatione Religiosi in Praetato consurgit, hic tantum differimus. Nam prior illa jurisdictione non reperitur in patre, neque in Domino, ut utriusque fieri possit comparatio.

Observandum est præterea ex Arist. 3. Ethic. Cap. 4. duplicitate principiarum, unum dominatum, cuius videlicet haec est natura, ut principes, & Dominus præcipue ac per se utilitas sua studeat, subditorum vero commodo per accidens, in quantum eorum utilitas in suam utilitatem reflectitur. Alterum economicum esse, maxime qui subditorum utilitatem & commoda recipit, ut primari: propriam vero utilitatem quasi per accidentem. Quomodo gubernator navis præcipue vectorum salutis confulit, sua vero ex accidenti, quia ipse quoque unus ex eis est, qui in nave veheatur. Ejusmodi est potestas patris in filios, virtus in uxore. Hec Aristoteles. Quibus contentiunt, que adducit Plato dialogo 1. de rep. qui ut pastor inquit, quia pastor est curat gregem ad ipsius gregis utilitatem, & non ad suam, sic qui bonitatem prestat, nihil aliud propositum habet, quam eorum bonum, qui subiaceunt.

Hic præmissi, refat ut comprobemus monachorum obedientiam non cum illa terrena, que mancipiorum propria est, sed prius cum ingenua filiorum esse comparandam, ac prius potesta-

Potestatem Prelatorum non esse dominativam, quia est dominorum in servos, sed tantum economicam, quia magis propriam potestatem, quam aliam quam liber dominationem resert. Et id primo constat ex sententia relata Aristotelis ac Platonis ut supra. Si enim dominativa potestas primo, & per se in Superioris commode ordinatur, cum constet Religiosos & per se non ordinari in Religionis, aut Superioris utilitatem, cum Religiosi non sint proprii Religionem, sed potius e contrario proprietate Religiosos Religionem, evidenter colligitur potestatem hanc non dominativam, sed economicam tantum esse, colligitur que evidenter ex illis verbis. *Luc. 22.* Reges gentium dominantur eorum, vos autem non sic, sed quia maior est vestrum, sicut sicut minor, & qui praeceptor est, sicut qui ministrat. Quae verba, inquit, Bernardus Lib. 2. de consideratione ad Eugenium non solum de humilitate, sed & veritate dicta esse, modumque & formam potestatis a Christo Domino Ecclesie, sua relictam continet. Et lib. 3. compasat Bernardus, hoc potestatis genus villicum, vel paedagogum, his verbis. Nam & illi villa, & huius parvum Dominus est subiectus, & tamen neque ille vilis, neque hic Domini suis dominus est, ita inquit, & tu praeceptor ut provideas, ut consulias, ut procureas, ut servas; praeceptor ut proficias, ut fidelis servus, quem constitutus Dominus super familiam suam. Ad quid rur ut desilis escam in tempore, hoc est, ut dispensabis, non ut impereas. Hac Bernardus. Ex quibus apparet eum, qui in Religione praeceptor, servum esse; nam servit omnium commodis, & profectibus tam corporalibus, quam spiritualibus. Quare idem Bernardus *Str. 25. in Cant.* idem munus esse a rectorum spiritualium quod medicorum, quorum omnis cara ad aegroti utilitatem referunt; immo & *serm. 23. ibidem* eos matres appellant, idque eorum officium ita exhortando demonstrat. *Suspendite, inquit, verbera, producete ubera; pessora latice turgescant, non typho surgeant.* De quo nos late ex autoritate S. Hilarii, Augustini, & Francisci, aliorumque Patrum sub finem nostrae Reg. in Exhortatione illa Prioris ad humilitatem diligimus.

Constat igitur ex dictis, Religiosorum subjectionem, quantum ad incapacitatem, cum qua conexa est, actionem esse in jure acquirendi, qualibet alia humana servitudo, nec excogitari posse maiorem incapacitatem, & privationem dominii ea, quia Religiosis competit, tam ratione obedientiarum, quam ratione voti paupertatis. Quantum vero ad alios effectus hanc subjectionem, & obedientiam non esse aequa duram ac acerbam, qua servi sunt addicti, sed potius esse ingenuam servituum, & suavissimam obedientiam, in qua Prelati non principum, vel dominorum jura, sed potius P.istoris, Patris, Medici, Gubernatoris, ac etiam Mattis exercant.

## C A P V T VII.

De dupli Voto Paupertatis solemnis & simplici, ac etiam de paupertate in communis & particulari, quae aequalis est omnibus Religiosis.

**R**editus percipient ea, quae nuper de paupertatis voto tradidimus ex divisione illa *Thom. à Iesu Oper. Tom. L.*

communis hujus voti in votum simplex & solenne, quia divisio communis est aliis etiam votis obedientiae & caritatis. De differentia inter votum simplex & solenne, multi multa hoc tempore scripserunt, breviter tamen aliorum opinione referentes nostram statuimus; praemittentes primo non esse controversiam de differentia istorum votorum quantum ad effectum, cum inter omnes constet, ea ab effectu penes hoc differre, quod solenne dirimat matrimonium contractum, quia hominem reddit inhabilem ad contrahendum; simplex vero licet impediat contrahendum, quia peccaret sic contrahens, non tamen invalidat neque dirimit contractum. Quare difficultas est, quomodo differant haec vota a priori; id est, sui propriis rationibus. Duæ sunt principiae opiniones de hac re.

Prima docet natura sua distinguat, in quo autem haec differentia consistat, non uno modo explicat hujus sententia. Autores, alii dicunt votum simplex esse, quo quis sua persona promittit obsequia & ministeria, non tamen tradit suam personam; votum vero solenne esse traditionem personæ, & ex consequenti aliorum omnium. Unde inferunt votum solenne in traditione confitetur, simplex vero non item; sic ut solenne votum & simplex differant, non aliter atque sponsalia & matrimonia, quod sicut in Sponsalibus est sola promissio futuri conjagi, in matrimonio vero traditio, quia unus coniugii sealiter tradit; sic in simplici voto v.g. Religionis est sola promissio, quia quis promittit Religionis ingressum, in solenni vero traditio ipsa, quia is qui vovet, se Religioni tradit, & Religio eum admittit ac recipit. Ex quo oritur aliud discrimen, quod in solenni voto non solum est promissio sive traditio, sed etiam est acceptatio expressa ex parte Ecclesie, sive Religionis, que loco ipsius DEI accepta hanc traditionem, & ipsa se adstringit ad sustentationem & ad functiones alias obeundas in communum proficitur, quo sit, ut solenne votum emitatur in manibus aliquous, qui nomine Religionis, seu potius DEI recipiat illam promissionem; in voto vero simplici sola est promissio, quia nullus est, qui nomine Religionis vel Ecclesie recipiat, & ubi receptio non est, nequit esse traditio. Hujus sententia fuit D. Thomas & innumeri alii Autores, quos novissime latissime referunt P. Sanchez, *de Matrim. Tom. 2. lib. 7. disputation. 25. num. 7.*

Alii aliter distinguunt, docentes votum solenne esse ex natura sua perpetuum, simplex vero licet ex accidenti possit esse tale, non tamen necessario, quia saepe multa votem ad tempus. *Vid. neft. Antonii 2. part. directe*

Secunda sententia docet votum simplex & solemnem ejusdem rei, non differre per se ex ipsis votatione & natura, vel iure divino, sed sola Ecclesie constitutione; quam sententiam sequuntur ferè omnes Juris Pontifici Interpp. & novissime gravissimi Autores, quos ibidem refert & sequitur P. Sanchez. Nos vero media via incendentes, breviter inter haec vota, eam discriminatis rationem assignamus, quod licet convenienter in ratione promissionis, tamen solenne votum habet adjunctam traditionem perfectissimam promissioni, quam non precepit votum simplex, ut sequuntur Autores primæ sententiae, quia Religiosus sponte le & omni sua obtutus.

*Eee 2. obtutus*